

Դաւիթ Անյաղթի ուսմունքի մասին՝ յատկանիշների եւ յատկութիւնների աւրնչութեամբ

Ի. ՆԱՐՍԿԻ

Դաւիթ Անյաղթի չորս ստեղծագործութիւններից մէկը՝ «Վերլուծութիւն «Ներածութեանն» Պորփիրի» աշխատութիւնը, մեծ չափով նուիրուած է իրերի յատկանիշների եւ յատկութիւնների հարցին՝ որպէս փիլիսոփայական խնդիր: Եւ կարգալով այդ «Վերլուծութիւնը...» մենք ակամայ հիանում ենք նրա տեսութեան փիլիսոփայական մեծ կուլտուրայով, խնդրի մէջ ա՛յդ աստիճան թափանցելու խորութեամբ:

Փիլիսոփայելու բարձր կուլտուրայի դրոշմն է կրում արդէն Դաւիթ Անյաղթի գրաւած դիրքորոշումը, այտեղ անխուսափելիօրէն կրկին առաջ եկող հարցը լուծելիս՝ լր՞նչ աւրնչութեան մէջ են Պղատոնի եւ Արիստոտելի փիլիսոփայական հայեացքները: Եւ հենց «Վերլուծութիւն «Ներածութեանն» Պորփիրի» աշխատութեան մէջ Դաւիթի նոր պղատոնական վարդապետականութիւնը ամենքից քիչ է արտայայտում, իսկ առաջին գիծ է ելնում անհամեմատ շատ աւելի բարձր եւ ծաւալուն մի հայեացակէտ, որի մասին իսկապէս կարելի է ասել, թէ՛ «Իր ուսմունքի չտարբերակուած բնոյթի շնորհիւ Դաւիթը հայ փիլիսոփայութիւն ներմուծեց համապարփակ գիտութիւն, ամէն ինչ ընդգրկող համակարգ...»¹: Տուեալ չտարբերակուա-

1. Ս. Ս. Արեւշատեան, Դաւիթ Անյաղթը եւ նրա Գերը Հին Հայկական Փիլիսոփայութեան Զարգացման Գործում (տես՝ Դաւիթ Անյաղթ, Երկեր, Մասկուս, 1975, էջ 27) (ռուսերէն):

ծութիւնը ամենեւին էլ հաւաքարանութիւն չէ, եւ այդ հանդամանքը պարզորոշ դրոստորում է այն լուծումը ընութագրելիս, որը Դաւիթը ապլիս է ունիվերսալիաների (ընդհանրականք) խնդրին: Քննութեան ատեննք այդ լուծումը:

«Վերլուծութիւն «Ներածութեան» Պորփիրի» ութերորդ գլխում Դաւիթը սկզբում ելնում է պղատոնական հայեացքից այն մասին, որ սրպէս ընդհանուր՝ սեռերը եւ տեսակները անմարմին են, այդ հայեացքը արտայայտելով այսպէս. «...նրանք գոյութիւն ունեն (իրերի) բազմութիւնից առաջ, բազմութեան մէջ եւ բազմութիւնից յետոյ»²: Այսպիսով ընդհանուրի գոյութիւնը ցոյց է տրուում ամենից առաջ սեռերի գաղափարներում, այդ ապագայ *universalia directa*-ի իմաստով, այսինքն՝ այդ գաղափարներին համամասնակից իրերի դասերում եւ, վերջապէս, իրերի մասին գոյութիւն ունեցող այն հասկացութիւններում, որ կազմաւորւում են մարդկային մտքերում: Սա պղատոնական հայեացակէտ է, բայց Դաւիթը դա այնպէս է ներկայացնում, որ ա'յն ձեւով համընկնում է չափաւոր իրապաշտութեան ըմբռնման հետ, որը տակաւին մի քանի դար անց կ'արտայայտեն Իրն Սինան, ապա եւ՝ Թովմա Աբուհինային: Վերջին հանդամանքը եւս մի փաստարկ է այն բանի օգտին, որ տուեալ հայեացակէտը հակացուցուած չէ արիստոտելիզմին՝ պատմականօրէն ծնուած լինելով վերջինիս ձեւափոխութիւններից: Սակայն այդ բոլոր ձեւափոխութիւններից դեռեւս շատ առաջ հենց Դաւիթ Անյաղթը Արիստոտելի դոյարանութիւնում ամենայն ճշդութեամբ ցոյց տուեց այն կէտը, որը մի հաստատուն «կամուրջ» է ունիվերսալիաների պղատոնական մեկնարանութիւնից դէպի պերիպաթետիկական (ձեւական) մեկնութիւնը անցում կատարելու համար:

Դաւիթը Արիստոտելի բոլոր ձեւերի ձեւը մերձեցնում է եւ Պղատոնի դեմիտրիզին (ստեղծագործող ոյժ հանդիսացող բարձրագոյն բանականութեան), եւ Օգոստինի ստեղծիչին: Այս առումով կարելի է համաձայնել այն թեզին, թէ «Դաւիթը ձգտում է բխցնել այդ տարբերութեան (այսինքն արիստոտելիզմի եւ պղատոնիզմի տարբերութեան, Ի. Ն.) նշանակութիւնը»:

Գոյարանական տուեալ շրջանակներում ջնջում է նաեւ ընդհանուրի մեկնարանութեան՝ Պորփիրի եւ Արիստոտելի դիրքերի տարբերութիւնը: Սա չի նշանակում, թէ Դաւիթը արհամարհում է այդպիսի տարբերութիւնը ... Դաւիթ Անյաղթի համար, սակայն, դոյարանական հայեացակէտը շատ աւելի էական է, քան Պորփիրի

2. Դաւիթ Անյաղթ, Երկեր, էջ 123 (առւերէն):

համար, իսկ նիւթի եւ ձեւի նշուած յարաբերակցութիւնը Դաւիթը յատկապէս ընդդժում է: Ընդհանրապէս, ինչպէս երեւում է, Դաւիթը լիովին իրաւացի եւ ստոյգ է վարուել, սկզբունքայնօրէն եւ իրաւասու է վարուել, երբ Պորփիրի դրոյթները դիտել է որպէս ունիվերսալիաների ինդրի երկու լուծումների մի իւրօրինակ օրկանական համակարգ, այսինքն՝ որպէս ունիվերսալիաների Պղատոնի իրապաշտութեան եւ Արիստոտելի առանձնայատկօրէն սահմանափակուած իրապաշտութեան համակարգ: Իսկ իր՝ Դաւիթ Անյաղթի համար, երբ նա հարց է տալիս, թէ արդեօք ընդհանուրը հանդիսանո՞ւմ է բնութեան ստեղծադրօժութիւն, թէ՛ մտքի ծնունդ է, ունիվերսալիաների ինդրը կարելո՞ր է թէ՛ իմացարանական, թէ՛ գոյարանական առումով, եւ դրա գոյարանական տեսակէտին նա անդրադառնում է չափազանց նրբին ու մանրազնին: Դա երեւում է նաեւ Արիստոֆանի եւ ստոյիկների քննադատութիւնում:

Դաւիթը ուշադրութիւն է դարձնում, որ որոշ դէպքերում տրամաբանական վերլուծութիւնում Պորփիրը հետեւում է Արիստոտելին, իսկ այդ նոյն վերլուծութեան գոյարանական մեկնաբանութիւնում՝ Պղատոնին: Սակայն դա չի յուզում նրան, քանի որ դատնում է, թէ դա թոյլատրելի է՝ որովհետեւ տրամաբանական (մտային) եւ գոյարանական (իրական) կապերի միջեւ լիակատար նոյնութիւն չի կարող գոյութիւն ունենալ: Դաւիթ Անյաղթի գոյարանական իրապաշտական մօտեցումը յատկանիշների եւ յատկութիւնների խընդրայարոյցին՝ նրան օգնեց բեղմնաւոր դիրք գրաւել սեռերի եւ տեսակների ծաւալի եւ բովանդակութեան յարաբերակցութեան հարցում (համապատասխանաբար՝ սեռի եւ տեսակի հասկացութիւնում): Այդ դիրքորոշումը նրա մօտ արտայայտուած է աւելի կտրուկ, քան Պորփիրի եւ պերեպաթետիկների (ճեմականների) մօտ: Դաւիթը շեշտում է այն գաղափարը, որ տեսակը «աւելի հարուստ» է բովանդակութեամբ, քան սեռը, քանի որ «տեսակի մէջ առատօրէն հանդէս են գալիս տարբերիչ յատկանիշները, իսկ սեռի մէջ՝ երբեք, որովհետեւ սեռը, որպէս սեռ՝ լինելով անբաժանելի, չունի տարբերութիւններ»³: Սակայն հնարաւորութեան մէջ, կարողական կերպով, բայց միայն կարողական կերպով, սեռը ունի բոլոր ստորադաս տարբերիչ յատկանիշները, իսկ երբ դրանք դրսեւորուում են, ո՛չ միայն իրականօրէն ծագում են տեսակներ, այլեւ ինքը սեռը վերածւում է ինչ որ այլ բանի, քան ինչ որ էր նախքան այդ դրսեւորումը⁴:

3. Նոյնը, էջ 164, 168:

4. Նոյնը, էջ 172:

Սեոի այդ դարգացումը տեղի է ունենում իրական տեսակներ յայտնելու շնորհիւ, իսկ դա նշանակում է, որ իրականում «տեսակները դերագրասելի են սեռերից»⁵:

Դաւիթ Անյաղթի այդ դատողութիւնների Փոնի վրայ... ուր-ուսապատկերում է ընդհանուրի եւ նուազ ընդհանուրի բովանդակալիութեան հարցում Լոբի եւ Հեկելի ապադայ ընդհարումը, մի բախում, որը, ի վերջոյ, որպէս խնդիր՝ հասաւ մարքսիստական ճանաչողատեսական մտքին, լուծում ստանալով, վերջապէս, Մարքսի «Կապիտալում»:

Դաւիթ Անյաղթի նշուած, ինչպէս նաեւ բազմաթիւ այլ դատողութիւններ՝ ունեն ստեղծագործական մեկնութեան բնոյթ: Դրանց թիկունքում զդացում են հեղինակի ամբողջական անձնաւորութիւնն ու անհատականութիւնը, եւ Լ. Վաստերնիկը ի զուր է ջանում դրանք տարալուծել Աղեքսանդրեան դպրոցի նորպղատոնիկներին բազմադէմ եւ ոչ անհատականացուած ընդհանուր հունի մէջ⁶: Այս կապակցութեամբ իմ պարտքն եմ համարում նշել Արիստոտելի ստեղծագործութիւնների երկրորդ հատորում (Մոսկուա, 1978) նրա «Օրգանոնի» իմ եւ Պրոֆ. Ն. Ստեպիկինի կողմած համատեղ մեկնարանութիւններում սպրդած (էջ 593) ձեւակերպման անորոշութիւնը: Դաւիթ Անյաղթ փիլիսոփայի արտասովոր անձն ու անհատականութիւնը, իրենց դրսեւորում են նրա բազմաթիւ դատողութիւններէ ինքնուրոյնութիւնում, նոյնիսկ այնտեղ, որտեղ դրանց խնդիրն է, ըստ հեղինակի մտալըացման, ընդամէնը միայն ու միայն բացատրել ուրիշ բնաղիրը: Ինքնատիպ են, օրինակ, Դաւիթ Անյաղթի դատողութիւնները տարբերիչ յատկանիշի եւ այն մասին, որ այն օժտուած է ըստ քանակի եւ տարրորութեան փոխուելու ընդունակութեամբ: Կամ պատահական յատկանիշների մասին, որոնց թուում Դաւիթ Անյաղթը առանձնացնում է իրականօրէն ղիպուածականը⁷:

Կարելի է համաձայնել այն մտքին, որ տարբեր՝ ընդհանուր, յատուկ եւ առաւել յատուկ յատկանիշների միջեւ զոյուութիւն ունեցող յարաբերակցութիւնները մեկնարանելիս մեզ համար այժմ առաւել արժէքաւոր է այն, որ Դաւիթը նշել է դրանց փոփոխութիւնները, «որոնք կախուած են իրերի միջեւ իրականում զոյուութիւն ունեցող յարաբերակցութիւններից, կախուած են իրի եւ նրա որակական

5. Նոյնը, էջ 169:

6. Pseudo-Elias (Pseudo-David), *Lecturcs on Porphyry's Isagoge*, Introduction, text and indices by L. G. Westerink. Amsterdam, 1967, p. XV.

7. Տես՝ Դաւիթ Անյաղթ, *Իրչէր*, էջ 158-160, 183-186 (առսերէմ):

գրսեւորման կապից, հասկացութիւններում գրսեւորուող կազերի եւ յարաբերութիւնների համակարգից . . . » : Հարցի հենց այդպիսի տեսական-ճանաչողատեսական լուծումը Դաւիթին թեւազբեց տարբերիչ յատկանիչի ուժեղացումը եւ թուլացումը գրանց բոլոր ձեւերում կախման մէջ դնել իրաւ իրերից՝ գրանց որակական յարաբերակցութիւններով հանդերձ . . . » : Դա իրերի իրական դիալեկտիկային աւելի մօտ դիրքորոշում է, քան Պորփիւրի բնագանցական հայեացակէտը, որը ընդունում էր, թէ որոշ տարբերիչ յատկանիչներ ընդունակ են փոխելու իրենց քանակա-որակական տարողութիւնը, միաժամանակ համակարգօրէն, առանց որեւէ վերապահութեան մերժելով մի ամբողջական խումբ տարբերիչ յատկանիչների նմանօրինակ ընդունակութիւնը :

Դաւիթ Անյաղթի տրամաբանական մանրակրկիտ մտածողութիւնը արդասաւոր դեր է խաղացել հայկական հին աշխարհիկ փիլիսոփայութեան զարգացման գործում : Ունիվերսալիաների խնդիրը՝ նրա չափաւոր իրապաշտական լուծումը հնարաւորութիւն էր ստեղծում նոմինալիստական-մտայլացական մեկնաբանութիւնների համար . . . Սակայն Դաւիթ Անյաղթի նշանակութիւնը շատ աւելի ծաւալուն է, եւ մենք հիմք ունենք խօսելու համաշխարհային փիլիսոփայութեանը բերած նրա աւանդի մասին, որը, թերեւս առաւել ակնյայտ է ունիվերսալիաների հարցի բնագաւառում :

COMMENTS ON THE NATURE AND CERTAIN PECULIARITIES OF THE PHILOSOPHY OF DAVIT ANHAGHT

I. NARSGY

(Summary)

One of the four treatises of Davit, the «Commentary on the Isagoge of Porphyry» is devoted to the complex problem of the universals. Through his non-eclectic and original approach to the issue, Davit has in fact worked to bridge the gap between extreme Platonic idealism and moderate Aristotelian realism (and the Peripatetic schools). His views on the genus and the differentia, also the relationship between the categories and the actual world, have directly contributed to the development of Nominalism in Armenia.